

BENSAN EUKARÍSTIKA

“Tantum Ergo Sacramentum”

Tantum ergo sacramentum
veneremur cernui
et antiquum documentum
novo cedat ritui
præstet fides supplementum
sensuum defectui.
Genitori genitoque
laus et jubilatio,
salus, honor virtus quoque
Sit et benedictio
procedenti ab utroque
compar sit laudatio. Amen.


Knananuk finál:

Ha'u rasik hili imi atu imi bele ba Haklaken Evanjeliu iha mundu raiklaran!

1. Ba tatoli Ha'u liafuan,
halibur ema tomak hodi Ha'u naran.
2. Ha'u horik (ho) imi ba nafatin;
lori paz no domin ba povu raiklaran.

ADORASAUN EUKARÍSTIKA LORON MUNDIÁL da-54 ORASAUN NIAN BA VOKASAUN SIRA

ESPÍRITU DUDU ITA BÁ MISAUN



Venilale—Baucau
(2017)

L Husi Papa Francisco nia Mensajen ba Loron Mundiál da-54 Orasaun nian ba Vokasaun sira.

«Maun no biin-alin sira, ema ne'ebé husik atu Maromak nia lian dada nia no tau nia ain hodi tuir Jezús nia deskobre lalais kedas, iha nia laran, hakaran ne'ebé labele tahan atu lori Liafoun Di'ak ba maun-alin sira, liuhusi evanjelizaun no servisu karidade nian. (...) Ohin loron mós ita sei bele hetan laran-manas anúnsiu nian no propoin, liuliu ba foin-sa'e sira, atu tuir Kristu. (...) Ita-nia foin-sa'e sira iha hakaran atu deskobre Jezús nia figura ne'ebé nia kmook atuál nafatin, hakaran atu husik Ninia liafuan no jestu sira interroga no provoka sira no, ikus mai atu mehi, ho Nia, moris ida nakonu nu'udar ema, haksolok atu hala'o iha domin. Ho konfiansa evanjélika ida-ne'e ita loke an ba Espiritu, ne'ebé sai fundamentu ba misaun. Sei labele iha pastorál vokasionál, nune'e mós misaun kristán lahó orasaun badinas no kontemplativa. Iha sensu ida-ne'e, presiza habiit ita-nia moris sarani hodi rona Maromak nia Liafuan, liuliu, tau matan ba relasaun interpesoál ho Na'I iha adorasaun eukaristika, "fatin" privilejiadu enkontru nian ho Maromak».

G Hodi fiar iha liafuan sira-ne'e ninia di'ak, ohin ita hakarak tau ita-nia an iha Na'i nia prezensa ne'ebé horik iha Eukaristia, hodi agradese nia ba Liafoun-Di'ak ne'ebé Nia halo ita koñese, mai ita medita ninia liafuan ne'ebé dehan mai ita "La'o no bá, keta ta'uk" no hodi Nninia prezensa nia kbiit, ita moris ita-nia misaun.

Knananuk: BLESS THE LORD MY SOUL

**Bless the Lord my soul
And bless His Holy Name
Bless the Lord my soul
He leads me into life.**

Durante hananu knananuk ne'e, amlulik lori Eukaristia atu tau iha esposizaun no hotu-hotu hakneak. Depoizde silénsiu ita harohan hamutuk orasaun ida-ne'e:

H - Ami hakneak iha ita-nia Sakramentu nia oin ó Na'i, nu'udar Ita-Boot nia emar sira.
Iha Sakramentu Ita-nia mate nia oin
ne'ebé halo ami moris;
iha Sakramentu Ita-nia silénsiu nia oin
ne'ebé hakilar ho lian maka'as
liufali ami-nia fuan ninia lian lotuk;

- Oras-ne'e ó konfia ba Na'i ó-nia misaun. Ó mós saran ba Na'i labarik no foin-sa'e sira ne'ebé ó koñese no sira ne'ebé ó moris hamutuk bá, hodi akompaña malu iha dalan vokasaun nian.

Minutu ruma reflesaun, hafoin ita hananu: "Ha'u mak ne'e, Na'i" 76

1. Ha'u mak ukun tasi, lalehan,
rona Ha'u povu nia hakilar,
moris iha nakukun no sala:
Ha'u sei soi sira.
Ha'u mak halo fitun iha kalan; 53
ha'u sei halo nakukun roman;
se los lori roman ba sira?
Ha'u sei haruka se?

**Ha'u mak ne'e, Na'i! (2x)
Ha'u rona Ita bolu ha'u iha kalan.
Ha'u sei ba, Na'i. Tulun ha'u ba,
ha'u sei hein Ita povu ho domin.**

2. Ha'u mak ukun kalohan no udan.
Ha'u tahan ha'u povu susar;
Ha'u tanis tan hadomi sira.
sira hadook-an hosi Ha'u.
Ha'u sei hamamar sira fuan;
fo fuan hatene hadomi;
Ha'u sei hato'o ha'u lia ba sira.
Ha'u sei haruka se?

G Ita harohan hamutuk "orasaun ba vokasaun sira" (hakneak)

Jesus futar Fuan iha Eukaristia, Nailulik boot rohan laek; tanba Ita Boot nia domin laran luak, ami husu atu tulun familia sai santu; nune'e, hanesan viveiro diak ida, bele naburas vokasaun barak ba Ita nia Kreda. Haraik mos nailulik barak mai ami, nailulik sira nakonu ho Ita Boot nia Espiritu, manas ho Ita Boot nia Karidade atu buka deit Ita Boot nia reinu iha rai ne'e no Ita Boot nia gloria iha Lalehan.

Oh Jesus, Maksoin mundu nian.

Haraik santidade ba ita nia nailulik sira.

Oh Maria, Klero nia Liurai Feto.

Haraik nailulik barak no santu ba Ita nia Kreda.

(Sl 86,5). **Ref.**

Hateke mai ha'u, Na'i, no sadia ha'u: haraik ba ita atan Ita-nia kbiit (Sl 86,16). **Ref.**

Hatudu mai ami, Na'i, ita-nia mizerikórdia no haraik mai ami ita-nia salvasaun (Sl 85,8). **Ref.**

Mizerikórdia no lia-loos hasoru malu, justisa no dame re'in malu (Sl 85,11). **Ref.**

Ita hamriik, Na'i sadia Siaun, tanba ne'e mak tempu atu uza mizerikórdia: oras to'o ona mai (Sl 102,14). **Ref.**

L2 Lia husi livru profeta Jonas (3,1-4)

Na'i lia tun ba Jonas ba dala rua ho liafuan hirak ne'e: «Ó hamriik. La'o ba sidade Nínive ba sidade boot, hodi haklaken ba nia lia Ha'u atu dehan ba ó». Jonas hamriik la'o ba Nínive tuir Na'i futar lia. Nínive sidade boot ida, hodi loron tolu atu la'o husi rohan ba rohan. Jonas tama iha sidade, la'o liu tiha loron ida, nia hahú hanorin no haklaken.

G Ó hamriik no bá! Buat hotu hahú hikas fali: Na'i tenik ba dala rua ninia konvite ba Jonas atu bá Nínive no oras ne'e profeta la'o tuir dalan, hodi hahú tama iha sidade boot laran no haklaken Na'i nia mizerikórdia. Jonas muda nia moris: Nia haree oinsá ema labele halai sees eh eskapa husi Na'i.

Ita la bá haree saida mak rezuladu husi ninia haklaken: natón de'it mai ita atu haree katak to'o iha pontu ida Jonas konsege simu no halo tuir Na'i nia orden, konsege komprende Na'i nia laran-di'ak. Hela iha ikan ninia kabun laran tulun nia atu experimeta Maromak nia laran-di'ak, atu deskobre katak nia lori iha nia an, rikusoin ida ne'ebé umaniza, ne'ebé tulun atu lori moris foun ida no katak la iha buat ida di'ak liu duké tranzmiti ba ema seluk Na'i nia mizerikórdia.

Ba reflesaun pesoál di'ak atu reflète pergunta no indikasaun sira tuirmai ne'e.

- Iha ó-nia moris oras-ne'e nian, Na'i bolu ó ba sá loos?
- Na'i entrega hela ba ó misaun partikulár ida karik? Sá loos misaun ida-ne'e?

iha Sakramentu Ita-nia Isin nian ne'ebé,
sae tiha husi rai ida-ne'e, sai ami-nia garantia iha Lalehan.
Hodi foti matan ba Ita-nia futar Isin,
ami husu Ita: moris iha ami, Ita-nia Espíritu hakonu ami.
(Karl Rahner)

RONA MAROMAK NIA LIAFUAN

L1 Lia husi profeta Jonas (1,1-3)

Na'i lia tun ba Jonas, Amittai nia oan: «Ó hamriik, la'o bá sidade boot Nínive, no iha nia haklaken katak sira-nia hahalok aat sae to'o ona ha'u». Jonas fali hamriik no halai ba Tarsis, dook husi Na'i. Nia tun iha Jafa, iha-ne'ebé nia hetan roo ida bá Tarsis. Selu tiha transporte nia folin, nia sae roo atu bá Tarsis, dook husi Na'i.

G Títulu Loron Mundiál Orasaun nian ba Vokasaun sira iha tinan ida-ne'e foti fali liafuan ruma ne'ebé, hanesan loloos, ho ida Na'i dirije ba protagonista oioin Istória Salvasaun nian. Entre sira-ne'e mak Profeta Jonas, ne'ebé Na'i husu atu bá iha sidade Nínive, kapitál ba impériu boot no kbiit-na'in Assíria nian, ne'ebé iha tempu ne'bá hanehan Povu seluk.

Tebes duni! Misaun ne'ebé Na'i entrega ba nia boot liu. Maromak husu nia atu bá iha inimigu boot povu Israel nia leet atu haklaken Ninia mizerikórdia, Ninia perdaun. Maibé Jonas lakohi no halai husi misaun ida-ne'e ba diresaun kontária.

Silénsiu pesoál

Ba reflesaun pesoál bele lee pergunta sira no indikasaun sira tuirmai ne'e.

- Ha'u haksolok se Maromak laran-sadia ho ema hotu ka ha'u, hanesan Jonas, tenke konverte an ba Na'I ne'ebé "halo loron mosu ba ema aat no ema di'ak sira, no halo udan tun ba ema justu no ema injustu sira" (Mt 5,45)?
- Sá de'it mak tahan ne'tik ha'u atu bá hasoru ema seluk ho Na'i nia mizerikórdia rasik?

- Saida de'it mak ha'u haree iha ha'u-nia fatin, liuliu iha labarik no foin-sa'e sira nia leet atu ha'u bá hasoru ema seluk, atu komunika ksolok Evanjellu nian?

Oras-ne'e ó saran ba Na'i ó-nia hahalok nune'e mós ema sira seluk nia hahalok sira ne'ebé hanetik ó atu hamriik no bá hasoru ema seluk no sai instrumentu perdaun no domin fraternu nian: ó husu Na'i haraik ksolok Evanjellu nian, korajen atu ó husik seguransa pesoál, no iha konfiansa iha Niniz prezensa.

Knananuk VOKASAUN S-74

1. Iha dadeer kmanek furak ida molok rai hun mutin, ha'u rona lia ida midar bolu los ha'u nia naran.
Oin sa ha'u hatene se Nia duni mak bolu ha'u naran?
Oin sa los mak ha'u atu bele, hatan ba bolu ne'e?
Iha dader molok rai hun mutin Nia liu bolu ha'u.

*Ita Na'i be hatene ha'u nia fuan
halo ha'u rona de'it Ita lia fuan.
Ha'u hakarak tuir Ita nia dalan;
lori ha'u ba hamutuk Ita.*

2. Iha loraik kmanek furak ida molok loron haksumik an, ha'u rona Nia bolu ha'u naran, fihir los ha'u nia matan.
Oinsá ha'u hatene se Nia duni mak fihir ha'u matan.
molok loron monu, Nia liu bolu ha'u.

L2 Lia husi livru profeta Jonas (2,1-3.8-11)

Maibé Na'i haruka ikan boot ida atu tolan Jonas; Jonas hela iha ikan nia kabun ba loron tolu no kalan tolu. Husi ikan nia laran Jonas harohan ba Na'i, nia Maromak, no dehan: «Iha ha'u-nia laran-susar ha'u bolu Na'i no Nia rona ha'u; husi nakukun boot ha'u hakilar no Ita rona ha'u-nia lian. Bainhira ha'u atu mate, ha'u hanoin Na'i. Ha'u-nia hamulak sae to'o ba Ita kadunan santu. Sira ne'ebé servi maromak falsu sira husik ninia domin, maibé ha'u ho laran hahi nian hasae ba Ita sakrifisiu ida no kumpre promesa ne'ebe ha'u halo; ha'u -nia makso'in mai husi Na'i». No Na'i ko'alia ba ikan no nia muta sai Jonas iha tasi ninin.

G Iha ninia halai, Jonas experimeta Maromak nia mizerikórdia: nia hadook an husi Tarsis ho roo ida no husik atu mariñeiru sira soe nia ba tasi laran,

tanba nia komprende katak tasi laloran boot ne'e rezultadu husi ninia dezo-bediénsia ba Na'i. Maibé iha buat sira-ne'e hotu Jonas koko Maromak nia Providénsia. Na'i haruk ikan boot ida atu tolan Jonas no hodi sulan iha ikan ninia kabun-laran nia komprende nia an rasik no Maromak: nia experimeta Maromak nia mizerikórdia ne'ebé serbisu iha nia fuan no halo nia sai laran-sadia. Oras-ne'e Jonas prontu atu bá mós Ninive.

L3 Motivasaun dahuluk atu evanjeliza mak Jezús nia domin ne'ebé ita simu, experiénsia hetan salvasaun husi «Nia ne'ebé dudu ita atu hadomi Nia liután ba beibeik. (...) Se ita la koko hakaran boot no maka'as atu komunika Nia, ita presiza para iha orasaun no husu Ninia grasa atu loke ita-nia fuan ne'ebe malirin no doko ita-nia moris morna no superfisiál. Tau ita-nia an iha Ninia oin ho fuan nakloke, hodi husik atu Nia kontempla ita, ita rekoñese Ninia hateken domin nian ne'ebé deskobre Natanaél iha loron ne'ebé Jezús sai prezente no dehan ba nia: «Ha'u haree ó iha ai-figeira nia okos» (Jo 1,48). Furak oinsá horik iha krusifiksu nia oin, ka hakneak iha Santíssimu nia oin, no simplesmente horik iha nia hateken nia oin! Di'ak oinsá sei halo mai ita hodi husik atu Nia kona hikas fali ita-nia moris no dudu ita atu komunika Ninia moris! (...)»

Nune'e urjente atu recupera espíritu kontemplativu, ne'ebé permiti atu deskobre hikas loron ba loron katak ita lori rikusoin ida ne'ebé umaniza, ne'ebé tulun atu hala'o moris foun ida. La iha buat ida di'ak liu fali duké haklaken ba ema seluk». (**Papa Francisco, Evangelii gaudium, n. 264**)

Silénsiu pesoál.

Ba reflesaun pesoál di'ak atu lee pergunta sira tuirmai ne'e.

- Ha'u hatene horik iha Na'i nia prezensa, hodi husik Nia loke ha'u-nia fuan malirin no doko ha'u-nia moris morna no superfisiál?
- Ha'u husu naroman no kbiit husi Na'i atu enfrenta ha'u-nia difikuldade sira atu bá hasoru ema seluk ho mizerikórdia?

G Ita husu ba Aman iha ita-nia hakaran atu Ninia mizerikórdia kore ita-nia fuan no atu ksolok perdaun nian halo ita sai sasin. Ita hananu hamutuk:

Ref. Misericordes sicut Pater. (2 x)

L4 Na'i pasiénsia no laran-sadia, neineik atu hirur no riku iha grasa (Sl 145,8). **Ref.**

Ita di'ak, Nai, no perdua, Ita nakonu ho mizerikórdia ba ema ne'ebé bolu Ita